

КЕЛАЖАК ҚАНОТЛАРИ



**«НАМАНГАН» нашриёти
2007**

Ушбу китоб Ўзбекистон Республикаси мустақиллигининг 16 йиллигига бағишланади.

Хурматли ўқувчи! Қўлингиздаги мазкур шеърӣ гулдаста ўйлаймизки, китоб жавонингиздан муносиб ўрин олади.


Бу шеърӣ тўплам Поп туманидаги ёш ижодкорлар машқларидан жамланди. Улар ўзларининг назм намуналарида она-юрт севгиси, эзгулик, меҳр ва садоқат каби хислатларни улуғлайдилар. Энг муқаддас туйғуларини қогозга туширишига, шеър қилишига интиладилар.

Уларни ўқиб, баҳо бериш гали сизга, азиз ўқувчи!

ТУЗУВЧИЛАР

М. ЖЎРАЕВА, «Камолот» ёшлар ижтимоӣ ҳаракати Поп туман бўлими Кенгаши раиси.

С. ҒОЙИПОВА, Шу Кенгаш қошидаги «Ёш ижодкорлар» клуби раҳбари.



UD 33564
0

661 - 1523,71 - 134200
НГ----- 2007
662 - 1,0 - (08) - 07

© «Наманган» нашриёти.

ОМОН ҚАЙТИНГ!

Эзгуликдан белбоғ боглаб белингизга,
Содиқ фарзанд бўлай дебсиз элингизга,
Хайдаб солинг юртимиздан нокасларни,
Сергак туринг, қурол олиб қўлингизга.
Сизлар борсиз, бизлар тинчмиз, юртимиз тинч,
Ватанингиз сотманг асло, сиздан ўтинч.
Булганмасин, ўзбек деган зарли замин.
Қалбингизни тарк этмасин шодлик, севинч.
Қора ният ғаламисга ҳушёр бўлинг,
Эркак деган гурурингиз сақлаб юринг.
Хавас қилинг, онасининг Барчинлари,
Парвоз қилинг, ўзбегимнинг лочинлари,
Аскар номи йигитларининг мардига хос.
Ватан учун куйиб ёнса тоғгай эъзоз.
Ҳеч кимдан кам эмас ўзбек, кам бўлмагай,
Юртбошидан ўрнак олса қудрати мос.
Онажонлар ўғлингиздан торманг ташвиш,
Ой-юлдузлар унга алла айтиб турар.
Элини деб, юртини деб қилса бир иш
Яратганим чинорлардай умр берар
Билакларга мадор бўлсин ушбу байтим
Расо, алндек бўйингизни кўрган пайтим.
Амур Темур руҳларига дуа айтинг,
Жигарларим ой борингу, омон қайтинг,
Бугун сизга таъзимдадир миллатингиз,
Алпомишу Фарҳодга хос савлатингиз,
Келажаги чиндан буюк давлатингиз,
Мақтовларга тўлсин шону-шавкатингиз.

ДУНЁГА НАЗАР

Беиш кунлик дунёни яшнатмоқ учун,
Гуркиратмоқ учун, безатмоқ учун,
Элимда, уйимда бўлсин десанг тўй,
Тангрига ёққулик ишлар қилиб қўй.
Ўтсиз гулханларда ёнмаган дўстим,
Ғанимлар қўлини олмаган дўстим,
Қавми-қариндошдан тонмаган дўстим,
Тангрига ёққулик ишлар қилиб қўй.
Тангрининг адолат тарозиси бор,
Гуноҳинг кўп бўлса, бўладурсан хор,
Жаннат мевасига бўлмай десанг зор,
Тангрига ёққулик ишлар қилиб қўй.
Ҳар хил бойликларга бўлмагин мойил
Сўз ўгриси бўлма, бўлсанг чин шоир.
Кўрганлар дол бўлсин, қолсинлар қойил,
Тангрига ёққулик ишлар қилиб қўй.
Омонат дунёда ноҳақсан, ҳақсан,
Кимдандир қарздорсан, кимгадир нақсан,
Гўзал гулчамбарни бошингга тақ, сан!
Тангрига ёққулик ишлар қилиб қўй.
Изғовар сўзини қилма писанда,
Саломни, меҳрни қилмагин канда,
Бахтли мўъжизалар берсин десанг рўй
Тангрига ёққулик ишлар қилиб қўй.

Ў Қ И Т У В Ч И

Парталар оралаб ўтади умри,
Ўчириб, қоралаб ўтади умри,
Бағрини поралаб ўтади умри,
Ўзга ҳаёти йўқ ўқитувчининг.

Д. Кўчқорова.

Йўлимни мунаввар этган бу ойлар,
Илм-маърифатли билимга бойлар,
Мадҳини қуйлагай шарқироқ сойлар
Ўзга ҳаёти йўқ, ўқитувчининг.

Таърифига оздир қўшиқ, баётлар
Комилликка томон қамчилар отлар,
Ўтдан кириб ўтдан чиқар бу зотлар
Ўзга ҳаёти йўқ ўқитувчининг.

Юракка кўчирар юракларини,
Меҳнатдан аямас билакларини,
Ё, Тангрим сен бергин тилакларини
Ўзга ҳаёти йўқ, ўқитувчининг.

Буюклар таъзимда, сизга қойилман,
Ҳамон билим, меҳрингизга мойилман.
Йўлингиздан борар шогирд шоирман,
Ўзга ҳаёти йўқ, ўқитувчининг.

Нур, зиё ёғилур юзингиздан,
Гул-чечаклар унгай изингиздан.
Дилим шоддир нурмаъно ҳар сўзингиздан,
Ўзга ҳаёти йўқ ўқитувчининг.

Севара ҒОЙИПОВА,

«Камолот» ёшлар ижтимоий ҳаракати
Поп туман бўлими Кенгаши қошидаги «Ёш
иждокорлар» клуби раҳбари.

ЎЗБЕКИСТОНИМ

*Бағри кенг юрт, жаннатмаконим,
Боболар ватани, азим диёрим,
Тупроғи бебаҳо гўзал бўстоним,
Алломалар юрти Ўзбекистоним.*

*Бағрингда яшайди турли миллатлар,
Қалбингда жўш урар ошноқ ниятлар,
Қанча таърифламай, қамдир сийратлар,
Муқаддас заминим, жаннатмаконим.*

*Қизлари юзида иффат пардаси,
Ўғлонларнинг мингга етар зарбаси.
Олтин-қумушлардан маржон шодаси,
Таърифни куйларга илҳом достони.*

ГУНОҲИМ НИМА?

*Дунёнинг кўп экан муаммолари,
Тугамас экан-да сира қамлари,
Юрагимни қийнар қайғу, қамлари,
Айтинг, мени гуноҳим нима?*

*Келади инсонлар ҳаётга бир бор,
Қалбида яшайди орзу барқамол,
Севганим... Севганим фақат битта ёр,
Айтинг, жоним, гуноҳим нима?*

*Айтинглар-чи менга севиш гуноҳми?
Ёки юракларим ҳиссиз гумроҳми?
Тақдир йўларим-чи туби йўқ, чоҳми?
Айтинг, дўстлар, гуноҳим нима?*

СИНФДОШЛАРИМ

*Эсладим, гулларга тулган боғларим,
Хаёлимдан кетмас мактаб чоғларим,
Илк бора гам билан чеккан, оҳларим,
Хеч ёдимдан чиқмас синфдошларим.*

*Юрардик бегаму бепарво бўлиб,
Ёшлиkning беғубор завқини суриб,
Юраклар орзуга лиммо - лим тўлиб,
Хеч ёдимдан чиқмас синфдошларим.*

*Бизларни айирди сўнгги қўнғироқ,
Қолаверди оптимиздан жим фироқ.
Бахтнинг уйларига ёқсак-да чироқ,
Хеч ёдимдан чиқмас синфдошларим.*

Анвар ЙЎЛДОШЕВ,
10 - ўрта мактабининг
10-синф ўқувчиси.

ОНАМНИ АСРА, ХУДО

*Бешигим устида парвона бўлган,
Туялар бедор бўлиб оввора бўлган,
Сенинг жамолингга ҳайрона бўлган,
Менинг онамни ҳам асрагин, худо.*

*Сен мени асрадинг ўт-балолардан,
Йўлимда учраган кўп хатолардан,
Дилни абгор қилган дил яролардан,
Энди онамни ҳам асрагин, худо.*

*Ўзга аёллардан онам каммиди?
Дунёда кўргани қайгу гаммиди?*

*Юзлари кулару, кўзи нам эди,
Менинг онамни ҳам асрагин, худо.*

*Сени ўзгаларга алишмам, онам,
Билмайин ранжитсам юрагим пора.
Ўтинчимга раҳминг келсин бир бора,
Менинг онамни ҳам асрагин, худо.*

КЎНГЛИ ЯРИМ ТЕНГДОШЛАРИМ

*Ғамгин маънос кўзларини жавдиратиб,
Меҳрга зор кўзларидан ёшлар оқиб,
Мурғак қалбларига ғам тошлари ботиб,
Меҳрибонлик уйидаги тенгдошларим.
Дарвозадан олисларга боқиб турар,
Доим соғинч, армон билан бирга юрар,
Юраклари ғам - андуҳларга тўлар,
Меҳрибонлик уйидаги тенгдошларим.*

УЯЛИШИНГ ТЕГДИ ЖОНИМГА

*Азоб бериб, ташна қилдинг қонимга,
Уялишинг тегиб кетди жонимга,
Кўнгли бериб қўйдим сендек золимга,
Ростин айтгин, келасанми ёнимга?
Мендан қўрқма, ёнамани сўнаман,
Каналакдек япрогингга қўнаман,
Сени кўриб нима бўлсам бўламан,
Ростин айтгин келасанми ёнимга?
Энди ҳеч ким ачинмайди ҳолингга,
Шукур қилиб ўтирмайман борингга,
Мени кутма, боролмайман ёнингга,
Келмайсанми-келасанми ёнимга?*

**Мушаррам Тўраева,
7-мактабнинг 9 - синф ўқувчиси.**

ЗУЛФИЯХОНИМГА ЎХШАГИМ КЕЛСА...

*Сиймоси акс этар ҳар бир шеъримда
Мисралардан боқар унинг кўзлари,
Такрорланиб турар ўзбек элида
Зулфиянинг ўчмас буюк излари.*

*Мен ҳам Зулфияга ўхшагим келса,
Муборак қадамим босаман такрор.
Номини мадҳ этиб куйласам қанча,
Шу қадар бўларди исми улугвор.*

*Адабиёт мулкига мерос қолдирдинг
Увайсий нутқини жойладинг қалбга.
Юрагимни қийнар афсус йўқлигинг
Нима қилай сенга ўхшагим келса...*

ВАТАНИМ, СЕН УЧУН НИМА ҚИЛДИМ МЕН?

*Богларингни кездим, шаббоданг сездим,
Майин майсаларга бағримни қўйдим.
Тупрогинг исини ўшанда туйдим
Ватаним, сен учун нима қилдим мен?!*

*Саратон куйдирса соябон бўлдинг,
Йиқилган чоғимда суядинг, суйдинг.
Доимо ёнма-ён сен ўзинг турдинг,
Ватаним, сен учун нима қилдим мен?!*

*Остонангни тавоф қилсам-да камдир,
Мадҳингга шеърларим битсамда камдир,
Жонимни фидолар айласам камдир,
Ватаним, сен учун нима қилдим мен?!*

**Гулшода ЖУМАЕВА,
35-мактабнинг 9 - синф ўқувчиси.**

УСТОЗЛАР

*Қўлимга илк бора
Қалам тутқазган устоз!
Жажжи қўлимиз ушлаб,
Харфлар танитган устоз.
Кўнглимизни тоғ каби
Юксакларга кўтарган,
Йўлимизга ой каби
Мангълалар тўшаган,
Пандингиз мудом ёдда
Маёқ бизга ўғитлар.
Васфингизни кўйлаймиз
Шоир қизу йигитлар.
Дунё тургунча туринг
Соғ бўлинг, омон бўлинг,
Келажакнинг камолини
Юз ёшда кўриб юринг.
Фикри ёруғ устозлар
Йули ёруғ устозлар.*

ЎРИК БОҒИГА КЕЛ

*Дерлар ўрик юракнинг
Қуввати-ю дармони.*

Хуш кўрганинг асал қанд,
Тотмаганлар армонда,
Кел, дўстим, богимизга
Ўриклардан татиб кўр
Мағзи билан есанг гар
Маззаси бирам хушхўр.
Буни эккан боболар
Салқинида дам олар,
Ўрикка кон бу боғлар
Қалбингга илҳом солар.

ДЎСТ ТОП

Дўстни қандай тонай, билмайман,
Дўстни яхши-ёмон демайман,
Хар кимларга қўлим бермайман
Ўзим кимга дўстман билмайман.

Дўстсиз бошим-тузсиз ошим,
Ўғитларга мурожаат қилдим.
Дунё дўст-ла қизиқ эканин,
Ўз - ўзимча фикрлаб билдим.
Дўстнинг чинми, сохта эканин,
Элагидан ўтганлар билар,
Шоду гамга елкадош бўлса,
Яратганга шукрлар қилар.

Бу борада алданманг асло
Нокасларга қўл бериб қўйманг,
Дўст топ, деди, деб Дилшодани
Маломатга қолдириб юрманг.

Дилшода ЮСУПОВА,
40-ўрта мактабнинг 9 - синф ўқувчиси.

ВАТАНГА ХИЗМАТ

*Ватан учун бел боғладим
Аъло ўқиб ишлашга.
Донгинг дунёга ёйиб
Юракларинг хушлашга.
Байтлар битдим номига
Онамга қиёс айлаб.
Лойиқ бўлай шонинга
Фарзандлик бурчин оқлаб.*

О Н А

*Онажоним, менга боқиб турган кўзингиздан айланай,
Кечалари алла айтган овозингиздан айланай.
Бу кун сизни байрамингиз муборакбод этайин,
Бахтимга омон бўлинг, борлигингиздан ўрғилай.*

ОНАЖОН

*Онажон, ягонам, буюксан ўзинг,
Аллада таралган сеҳрли сўзинг.
Кўзимдаги ёшни артиб рўмолинг,
Меҳрибонлигингдан - гўзал жамолинг.
Изларингдан анқир жаннатлар иси,
Кафтингда-чи мудом баҳор нафаси.
Меҳр тўла кўзингда кулгайдир офтоб,
Қалб қўринг покиза, мисли моҳитоб.
Фарзандларинг камолин тилагувчисан,
Умрини худодан сўрагувчисан.
Шод куним, қувончим кўргин илоҳим
Умрингга барака берсин худойим.*

Одина ТУРСУНБОЕВА,
1-мактаб ўқувчиси.

ЎЗБЕКНИНГ БОЛАЛАРИ

*Хумо қуши қўниб турар бошида,
Оналари алла айтар қошида.
Тош чиқмасин у пиширган ошида,
Дунё кўрсин ўзбекнинг болалари.*

*Юртимизнинг тинчлигидир бахтимиз,
Буюк фарзанд бўлмоқликдир аҳдимиз.
Олга қадамлардан эрур шахдимиз,
Дунё кўрсин ўзбекнинг болалари.*

*Кўз тегмасин ҳеч бир зарраларига,
Етсин мудом мақсад марраларига.
Тумор бўлай онам аллаларига,
Дунё кўрсин ўзбекнинг болалари.*

ТАБИАТ

*Кандай гўзал сўлим жой,
Кундан-кун очар чирой.
Ҳали тоғда баҳорой,
Оқар зилол жўшқин сой.
Зилол сув танга даво,
Алла айтар хушҳаво.
Кайга бормайин гулзор,
Баҳор таровати бор.
Таърифи йўқ сўлим жой,
Сувларида кўрдим ой.*

САХИЙ КУЗ САХОВАТИ

*Асал новвот меваларинг,
Сахий кузим олтин куз.
Узум анор хурмоларинг,
Богим кўрки рисқу рўз.*

*Дастурхонлар тўкиндир-эй,
Сахийлигинг дастидан.
Қуёш кулар жилмайибон,
Булутларнинг остидан.*

*Сен-ла бобо деҳқонимнинг,
«Оқ олтин» хирмонлари.
Сен-ла бобо деҳқонимнинг,
Куч, қувват, дармонлари.*

**Зиёда ЭРГАШЕВА,
40-ўрта мактабнинг 9-синф ўқувчиси.**



МУНДАРИЖА

Омон қайтин!	3
Дунёга назар	4
Ўқитувчи	4
Ўзбекистоним	6
Гуноҳим нима?	7
Синфдошларим	7
Онамни асра, Худо	8
Кўнгли ярим тенгдошларим	8
Уялишинг тегди жонимга	8
Зулфияхонимга ўхшагим келса....	9
Ватаним, сен учун нима қилдим мен?	9
Устозлар	10
Ўрик боғига кел	10
Дўст топ	11
Ватанга хизмат	12
Она	12
Онажон	12
Ўзбекнинг болалари	13
Табиат	13
Сахий куз саховати	14

***Ушбу китоб «Камолот» ёшлар ижтимоий ҳаракати
Поп туман бўлими кенгаши ҳомийлигида чоп этилди.***

Адабий-бадний нашр

КЕЛАЖАК ҚАНОТЛАРИ

Муҳаррир:	М. АКМАЛОВ
Тех. муҳаррир:	Ғ. МУЛЛАБОЕВ
Саҳифаловчи:	И. ТОШХОЖАЕВ
Мусахҳиҳ:	С. ЯҲЁЕВ



Теришга 25.07.2007 йил берилди. Босишга 07.08.2007 йил рухсат этилди.
Газета қозоғига офсет усулида босилди. Бичими 60х84. 1/16. Ҳажми 1,0
босма табақ. Адади 500 нусха. Буюртма № 424. Баҳоси келишилган нархда.

«Наманган» нашриёти. Наманган ш. Навоий кўчаси, Матбуот уйи, 3-қават.
«Чуст босмахонаси» МЧЖ. Чуст шаҳри, Сўфизода кўчаси, 8-уй.